

VOMIZ 8 (Ondansetron Tablet USP 8mg)

Ondansetron 8mg (as hydrochloride dihydrate)

Apakah yang ada pada risalah ini

1. Apakah kegunaan VOMIZ 8
2. Bagaimana VOMIZ 8 berfungsi
3. Sebelum menggunakan VOMIZ 8
4. Cara menggunakan VOMIZ 8
5. Semasa menggunakan VOMIZ 8
6. Kesan-kesan sampingan
7. Cara penyimpanan dan pelupusan VOMIZ 8
8. Maklumat lanjut
9. Pengilang dan Pemegang Pendaftaran Produk
10. Tarikh kemaskini RiMUP

Apakah kegunaan VOMIZ 8

Ia digunakan untuk mencegah dan menguruskan loya (rasa sakit) dan muntah (sakit), yang mungkin berlaku:

- semasa rawatan untuk kanser (kemoterapi atau radioterapi)
- selepas pembedahan

Bagaimana VOMIZ 8 berfungsi

VOMIZ 8 tergolong dalam satu kumpulan ubat yang dikenali sebagai antiemetik. Ondansetron adalah reseptor antagonis 5HT₃. Ia berfungsi dengan menghalang reseptor 5HT₃ pada neuron di sistem saraf perifer dan pusat badan.

Sebelum menggunakan VOMIZ 8

Bila tidak boleh menggunakan

Jangan mengambil VOMIZ 8

- jika anda sedang mengambil apomorphine (digunakan untuk merawat penyakit Parkinson, gangguan pergerakan)
- jika anda alah (hipersensitif) terhadap ondansetron atau mana-mana bahan kandungan VOMIZ 8

Jika anda rasa anda mengalami mana-mana yang tersebut di atas, jangan ambil VOMIZ 8 sehingga anda telah berjumpa dengan doktor anda.

Sebelum menggunakan VOMIZ 8

Sebelum anda mula mengambil VOMIZ 8, doktor anda perlu mengetahui:

- sama ada anda alah terhadap ubat-ubat yang seumpama dengan VOMIZ 8, seperti ubat- ubat yang mengandungi granisetron atau palonosetron
- sama ada anda pernah menghadapi masalah jantung, seperti denyutan jantung yang tidak teratur (aritmia)
- sama ada anda mempunyai masalah usus

- sama ada anda menghadapi penyakit hati, doktor anda mungkin mengurangkan dos VOMIZ 8 anda
 - sama ada anda mengambil ubat lain (interaksi dengan ubat-ubat lain seperti vaksin atau biologi)
- Berjumpa dengan doktor anda jika anda rasa anda mengalami mana-mana yang tersebut di atas.

Mengandung dan menyusukan anak

VOMIZ 8 tidak disyorkan untuk digunakan semasa kehamilan.

- Beritahu doktor anda jika anda hamil atau merancang untuk mengandung. VOMIZ 8 mungkin membahayakan bayi dalam kandungan anda.
- Jika anda menjadi hamil semasa dirawat dengan VOMIZ 8, beritahu doktor anda.

Penyusuan anak tidak disyorkan semasa rawatan dengan VOMIZ 8. Bahan-bahan kandungannya boleh dirembeskan ke dalam susu ibu dan mungkin menjejaskan bayi anda. Berbincang dengan doktor anda tentang perkara ini.

Wanita yang boleh mengandung dan pesakit lelaki

Jikalau anda wanita yang boleh mengandung, doktor anda akan memeriksa sama ada anda hamil dan melakukan ujian kehamilan jika perlu sebelum memulakan rawatan dengan VOMIZ 8. Sekiranya anda hamil, anda harus menggunakan kontrasepsi yang berkesan semasa rawatan and sekurang-kurangnya 2 hari setelah berhenti mengambil VOMIZ 8.

Tanya doktor anda mengenai pilihan untuk kontrasepsi yang berkesan.

Jika mengambil ubat-ubat lain

Beritahu doktor atau ahli farmasi anda jika anda sedang mengambil sebarang ubat lain, jika anda telah mengambil sebarang ubat baru-baru ini, atau jika anda mula mengambil ubat baru. Ini termasuk ubat-ubat yang dibeli tanpa preskripsi.

- carbamazepine atau phenytoin (digunakan untuk merawat epilepsi)
- rifampicin (digunakan untuk merawat jangkitan seperti tuberkulosis (TB), jenis jangkitan bakteria)

- fluoxetine, paroxetine, sertraline, fluvoxamine, citalopram, escitalopram (SSRIs [selective serotonin reuptake inhibitors]) (untuk merawat kemurungan dan/ atau kegelisahan)
- venlafaxine, duloxetine (SNRIs [serotonin noradrenaline reuptake inhibitors]) (untuk merawat kemurungan dan/ atau kegelisahan)
- tramadol (sejenis penahan sakit)

Cara menggunakan VOMIZ 8

Berapa banyak harus digunakan

Sentiasa mengambil VOMIZ 8 sebagaimana yang diarahkan oleh doktor anda. Berjumpa dengan doktor atau ahli farmasi anda jika anda tidak pasti.

Untuk mencegah anda daripada rasa sakit dan muntah selepas rawatan kanser.

Pada hari rawatan:

- Dos biasa VOMIZ 8 ialah 8 mg diambil satu hingga dua jam sebelum rawatan, diikuti dengan 8 mg setiap 12 jam.

Pada hari seterusnya:

Orang dewasa:

- Dos biasa ialah 8 mg dua kali sehari, selama maksimum 5 hari

Kanak-kanak dan remaja (berumur 3 tahun hingga 17 tahun)

- Doktor anda akan menentukan dos VOMIZ 8 yang sesuai untuk anak anda. Dos biasa ialah sehingga maksimum 8 mg sehari, selama maksimum 5 hari.

Untuk mencegah anda daripada rasa sakit dan muntah selepas pembedahan

Orang dewasa

- Dos biasa orang dewasa ialah 16 mg satu jam sebelum pembedahan anda.

Kanak-kanak dan remaja (berumur 3 tahun hingga 17 tahun)

- Tablet VOMIZ 8 tidak disyorkan untuk digunakan oleh kanak-kanak selepas pembedahan.

Bila perlu digunakan

Gunakan seperti yang diarahkan oleh doktor atau ahli farmasi anda.

Berapa lama perlu digunakan

Ambil VOMIZ 8 untuk jangka masa yang dipreskripsikan oleh doktor anda.

Jangan berhenti kecuali dinasihatkan oleh doktor anda.

Jika terlupa menggunakan

Ambil dos anda secepat mungkin, kemudian ambil dos seterusnya pada masa yang biasa. Jangan ambil dos berganda untuk menggantikan dos yang terlupa.

Jika anda tidak pasti tentang langkah yang harus diambil, tanya doktor atau ahli farmasi anda.

Jika mengambil berlebihan (terlebi dos)

Jika anda mengambil terlalu banyak VOMIZ 8 secara tidak sengaja, biasanya tiada masalah akan berlaku. Tetapi, jika anda bimbang, atau anda rasa tidak sihat, tanya doktor atau ahli farmasi anda untuk nasihat.

Semasa menggunakan VOMIZ 8

Perkara yang perlu dilakukan

Berjumpa dengan doktor atau ahli farmasi anda sebelum mengambil ubat anda dan mengambilnya seperti yang dipreskripsikan oleh doktor anda.

Telan seluruh tablet dengan segelas air.

Beritahu doktor atau jururawat anda jika anda masih rasa sakit.

Perkara yang tidak boleh dilakukan

Ubat ini hanya dipreskripsikan untuk anda sahaja. Jangan berinya kepada orang lain. Ia mungkin membahayakan mereka, walaupun gejala mereka sama dengan anda.

Perkara yang perlu diberi perhatian

Beritahu doktor atau ahli farmasi anda dengan segera sekiranya anda mengalami sebarang gejala ini semasa dan selepas rawatan dengan VOMIZ 8.

- jika anda mengalami sakit dada secara tiba-tiba atau kesesakan dada (myocardial ischemia).

Tablet VOMIZ 8 tidak disyorkan untuk digunakan oleh kanak-kanak dan remaja (berumur 3 tahun hingga 17 tahun) selepas pembedahan.

Kesan-kesan sampingan

Seperti semua ubat, VOMIZ 8 boleh menyebabkan kesan-kesan sampingan, tetapi bukan setiap orang mengalami mereka.

Kesan-kesan sampingan yang boleh menjadi serius

HENTIKAN pengambilan atau penerimaan VOMIZ 8 dan dapatkan bantuan perubatan dengan segera sekiranya anda mengalami salah satu perkara berikut:

Reaksi alahan teruk

Reaksi ini jarang berlaku di kalangan orang yang mengambil VOMIZ 8. Tanda-tanda termasuk:

- ruam yang gatal dan timbul (gatal-gatal)
- bengkak, kadang-kadang pada muka atau mulut (angioedema), menyebabkan kesesakan pernafasan
- pengsan

Myocardial ischemia:

- sakit dada secara tiba-tiba atau
- kesesakan dada

Kesan-kesan sampingan lain

Kesan-kesan sampingan lain termasuk yang disenaraikan di bawah. Sekiranya kesan-kesan sampingan ini menjadi teruk, sila beritahu doktor, ahli farmasi atau penyedia penjagaan kesihatan anda.

Sangat lazim berlaku: mungkin menjejaskan lebih daripada 1 dalam 10 orang

- sakit kepala

Lazim berlaku: mungkin menjejaskan sehingga 1 dalam 10 orang

- rasa panas
- sembelit

Tidak lazim berlaku: mungkin menjejaskan sehingga 1 dalam 100 orang

- sawan
- pergerakan otot luar kawal atau kekejangan
- denyutan jantung tidak teratur atau perlahan
- sakit dada
- tekanan darah rendah
- sedu
- peningkatan bahan (enzim) yang dihasilkan oleh hati (yang mungkin muncul dalam ujian darah).

Jarang-jarang sekali berlaku: mungkin menjejaskan sehingga 1 dalam 1,000 orang

- reaksi alahan teruk

- gangguan denyutan jantung (kadang-kadang menyebabkan kehilangan kesedaran dengan tiba-tiba)
- pening
- penglihatan kabur atau berubah yang sementara

Sangat jarang-jarang sekali berlaku: mungkin menjejaskan sehingga 1 dalam 10,000 orang

- ruam yang meluas dengan lepuh dan kulit mengelupas di sebahagian besar permukaan badan (toxic epidermal necrolysis)
- kebutaan sementara

Jika anda mendapati sebarang kesan-kesan sampingan yang tidak tersenarai dalam risalah ini, sila beritahu doktor atau ahli farmasi anda.

Anda boleh melaporkan sebarang kesan sampingan atau kesan advers ubat kepada Pusat Pemantauan Kesan Advers Ubat Kebangsaan melalui laman web npra.gov.my [*Consumers → Reporting Side Effects to Medicines (ConSERF) or Vaccines (AEFI)*].

Cara penyimpanan dan pelupusan VOMIZ 8

Penyimpanan

Simpan dibawah suhu 30°C.

Jauhi semua ubat daripada kanak-kanak.

Jangan gunakan ubat anda selepas tarikh luput yang dinyatakan pada pek selepas 'EXP'. Tarikh luput merujuk kepada hari terakhir bulan tersebut.

Pelupusan

Ubat-ubat tidak harus dilupuskan melalui air sisa atau sisa-sisa buangan isi rumah. Rujuk kepada ahli farmasi anda cara-cara pelupusan ubat-ubatan yang tidak diperlukan lagi. Langkah-langkah ini akan membantu melindungi alam sekitar.

Maklumat lanjut

Rupa dan warna produk

Tablet berwarna kuning, berbentuk kapsul, biconvex, bersalut filem pada kedua-dua belahny.

Bahan-bahan kandungan

Bahan aktif

Setiap tablet mengandungi Ondansetron (sebagai *hydrochloride dihydrate*) 8mg

Bahan tidak aktif

*Microcrystalline Cellulose, Lactose
Anhydrous, Pregelatinised Starch,
Magnesium stearate, Opadry Yellow
03B82493 (HPMC 2910/
HYPROMELLOSE 6cP, TITANIUM
DIOXIDE, MACROGOUPEG 400,
IRON OXIDE YELLOW), Purified water*

Sifat dan Kandungan Bekas

VOMIZ 8 boleh didapati dalam pek
lepuh 30 tablet.

Nombor MAL

MAL24066019AZ

Pengilang

Zydus Lifesciences Limited,
Kundaim Industrial Estate, Plot No. 203-
213, Kundaim, Goa - 403 115, INDIA.

Pemegang Pendaftaran Produk

Mansa Healthcare Sdn Bhd
B-05-3A, 3 Two Square, No 2, Jalan
19/1, 46300 Petaling Jaya, Selangor
Malaysia

Tarikh kemaskini RiMUP

1-Dec-2024

Nombor Siri

NPRA (R2) 23/078